


主編 趙曉梅
副主編 土登班瑪

中國密宗大典

中國藏學出版社
新西蘭霍蘭德出版有限公司



漢文篇 • 第 9 冊

中國密宗大典

趙
樣
初
題



中國藏學出版社
新西蘭霍蘭德出版有限公司

新學
社
PDG



釋摩訶衍論卷第七

龍樹菩薩造

已說對治邪執正解門次說分別發趣道相門本日
分別發趣道相者謂一切諸佛所證之道一切菩薩
發心修行趣向義故略說發心有三種云何爲三一
者信成就發心二者解行發心三者證發信心成就
發心者依何等人修何等行得信成就堪能發心所
謂依不定聚衆生有熏習善根力故信業果報能起
十善厭生死苦欲求無上菩提得值諸佛親承供養
修行信心逕一萬劫信心成就故諸佛菩薩教令發
心或以大悲故能自發心或因正法欲滅以護法因
緣能自發心如是信心成就得發心者入正定聚畢
竟不退名住如來種中正因相應若有衆生善根微
少久遠已來煩惱深厚雖值於佛亦得供養然起人
天種子或起二乘種子設有求大乘者根則不定若
進若退或有供養諸佛未逕一萬劫於中遇緣亦有
發心所謂見佛色相而發其心或因供養衆僧而發
其心或因二乘之人教令發心或學他發心如是等

發心悉皆不定遇惡因緣或便退失墮二乘地復次信成就發心者發何等心略說有三種云何爲三者直心正念眞如法故二者深心樂集一切諸善行故三者大悲心欲拔一切衆生苦故問曰上說法界一相佛體無二何故不唯念眞如復假求學諸善之行答曰譬如大摩尼寶體性明淨而有鑛穢之垢若人雖念寶性不以方便種種磨鍊終無得淨如是衆生眞如之法體性空淨而有無量煩惱染垢若人雖念眞如不以方便種種修習亦無得淨以垢無量無邊遍一切法修一切善行以爲對治若人修行一切善法自然歸順眞如法故略說方便有四種云何爲四一者行根本方便謂觀一切法自性無生離於妄見不住生死觀一切法因緣和合業果不失起於大悲修諸福德攝化衆生不住涅槃以隨順法性無住故二者能止方便謂慚愧悔過能止一切惡不令增長以隨順法性離諸過故三者發起善根增長方便謂勤供養禮拜三寶讚歎隨喜勸請諸佛以愛敬三寶淳厚心故信得增長乃能志求無上之道又因佛

本同若作苦

本同若作下
令便二字

法僧力所護故能消業障善根不退以隨順法性離障礙故四者大願平等方便所謂發願盡於未來化度一切衆生使無有餘皆令畢竟無餘涅槃以隨順法性無斷絕故法性廣大遍一切衆生平等無二不念彼此究竟寂滅故菩薩發是心故則得少分見於法身以見法身故隨其願力能現八種利益衆生所謂從兜率天退入胎住胎出胎出家成道轉法輪入於涅槃然是菩薩未名法身以其過去無量世來有漏之業未能決斷隨其所生與微細若相應亦非業緊以有大願自在力故如修多羅中或說有退墮惡趣者非其實退但爲初學菩薩未入正位而懈怠者恐怖勇猛故又是菩薩一發心後遠離怯弱畢竟不畏墮二乘地若聞無量無邊阿僧祇劫勤苦難行乃得涅槃亦不怯弱以信知一切法從本已來自涅槃故解行發心者當知轉勝以是菩薩從初正信已來於第一阿僧祇劫將欲滿故於眞如法中深解現前所修離相以知法性體無慳貪故隨順修行檀波羅蜜以知法性無染離五欲過故隨順修行尸羅波羅

蜜以知法性無苦離喧惱故隨順修行屢提波羅蜜以知法性無身心相離慢怠故隨順修行毗梨耶波羅蜜以知法性常定體無亂故隨順修行禪波羅蜜以知法性體明離無明故隨順修行般若波羅蜜證發心者從淨心地乃至菩薩究竟地證何境界所謂眞如以依轉識說爲境界而此證者無有境界唯眞如智名爲法身是菩薩於一念頃能至十方無餘世界供養諸佛請轉法輪唯爲開導利益衆生不依文字或示超地速成正覺以爲怯弱衆生故或說我於無量阿僧祇劫當成佛道以爲懈怠衆生故能示如是無數方便不可思議而實菩薩種性根等發心則等所證亦等無有超過之法以一切菩薩皆遍三阿僧祇劫故但隨衆生世界不同有所見聞根欲性異故示所行亦有差別又是菩薩發心相者有三種心微細之相云何爲三一者眞心無分別故二者方便心自然遍行利衆生故三者業識心微細起滅故又是菩薩功德成滿於色究竟處示一切世間最高大身謂以一念相應惠無明頓盡名一切種智自然而

有不思議業能現十方利益衆生問曰虛空無邊故世界無邊世界無邊故衆生無邊衆生無邊故心行差別亦復無邊如是境界不可分齊難知難解若無明斷無有心相云何能了名一切種智答曰一切境界本來一心離於想念以衆生妄見境界故心有分齊以妄起想念不稱法性故不能了知諸佛如來離於見想無所不遍心眞實故卽是諸法之性自體顯照一切妄法有大智用無量方便隨諸衆生所應得解皆能開示種種法義是故得名一切種智又問曰若諸佛有自然業能現一切處利益衆生者一切衆生若見其身若覩神變若聞其說無不得利云何世間多不能見答曰諸佛如來法身平等遍一切處無有作意故說自然但依衆生心現衆生心者猶如於鏡鏡若有垢色像不現如是衆生心若有垢法身不現故

論曰卽此文中自有二門云何爲二一者總標總說門二者別釋散說門是名爲二第二門中自有三門云何爲三一者三種發心分割門二者發起問答決

疑門三者因論生論問答門是名爲三說相可觀言
 總標總說門者爲欲顯示卽此分別發趣道相門中
 無量無邊三世諸佛所誓願海所行因海所證果海
 所化徒海無量無邊三世一切諸菩薩衆如是如是
 如如隨踐順行應轉如其次第不超數量不過位地
 趣入義故復次爲欲顯示如一切佛無趣向則一切
 菩薩於彼無有趣向則中如如行故如本分別發趣
 道相者謂一切諸佛所證之道一切菩薩發心修行
 趣向義故已說總標總說門次說別釋散說門此中
 三門如其次第應審思擇就第一三種發心分割門
 中卽有三種故自有三種門云何爲三一者信成就
 發心門二者解行發心門三者證得發心門是名爲
 三如本略說發心有三種云何爲三一者信成就發
 心二者解行發心三者證發心故就初門中卽有三
 門云何爲三一者發起開問總標門二者顯示答釋
 廣說門三者發起問答決疑門是名爲三第一二門
 有二種重應審觀察就第一發起門問總標門中卽
 有四意云何爲四一者假者意問能修人故二者行

相意問所修行故三者自分意問得成就故四者向
 上意問勝進相故是名爲四如本信成就發心者依
 何等人修何等行得信成就堪能發心故已說發起
 開問總標門次說顯示答釋廣說門就此門中卽有
 二門云何爲二二者隨問次第答釋門二者畢竟顯
 勝生解門是名爲二就隨問次第答釋門中卽有六
 門云何爲六一者顯示修行假者門二者自然本有
 熏習門三者顯示修行功德門四者信心成就時量
 門五者顯示發心因緣門六者顯示得益位勝門是
 名爲六言顯示修行假者門者謂雖所化衆生無量
 無邊而今此處中且取不定聚攝十信衆生故所以
 者何爲欲令使化不定聚三品衆生十種信心具足
 成就決定安立十住菩薩初發心住金剛不變之位
 中故如本所謂依不定聚衆生故言自然本有熏習
 門者謂如是衆生相續中從無始世來常有本覺藏
 佛衆生善根常恒熏習令增長故如本有熏習善根
 力故故言顯示修行功德門者謂不定聚種種衆生
 信因衆果報似有不空因緣和合之道理故知十惡

過失起不應作意觀十善功德起當應作意厭繫縛
地求解脫域漸漸出離向菩提故如本信業果報能
起十善厭生死苦欲求無上菩提得值諸佛親承供
養修行信心故言信心成就時量門者謂顯示其信
心成就時節遠近差別相故即此門中十五契經各
各異說云何名爲十五異說一者一切諸法因緣無
主契經中作如是說爾時文殊師利即白佛言尊者
從具縛地入不定聚一切行者經幾時節十種信心
具足成就漸漸轉勝定不退位於是尊者告文殊師
利言善男子諦聽諦聽善思念之我當爲汝解說信
成時節分際善男子一切行者從具縛地入不定聚
經一萬三千劫已訖即便成就十種信心決定菩薩
初發心住二者攝無量大乘契經中作如是說復次
佛子信地假名菩薩六萬四千劫量已滿即便成就
十愛樂心定金剛地三者惠明陀羅尼契經中作如
是說不定聚衆生多經八萬一千五十劫已訖信心
成就決定不退四者法門名字契經中作如是說復
次信樂地位毛頭凡夫經二萬六千劫已訖使信成

就無所闕失五者清淨三昧契經中作如是說若有
衆生入難角地修行信心當九萬劫滿足已訖信品
成就六者金剛陀羅尼契經中作如是說信成就量
四萬八千六十劫量七者大智惠光明契經中作如
是說復次善男子若有衆生爲欲成就功德善根父
母天地當經十剎那量已訖即便信地平坦無草八
者實相本際決定不動契經中作如是說信位成就
信心發起初剎那中十種信心具足圓滿九者文殊
師利圓滿因海大總持契經中作如是說三阿僧祇
大無量劫經過已訖即便信位具足成立十者甚深
菩提因緣契經中作如是說建立信地唯三萬劫十
一者大方便智善巧契經中作如是說信行菩薩九
千劫量決定成就清淨信心其思極樂十二者菩薩
光明遍照契經中作如是說爾時金剛惠菩薩摩訶
薩即白佛言世尊無上菩提初種子地經幾時節決
定淳熟大菩提之牙出生增長佛言若爲成就初種
子地當經七萬五千六十劫初種子地具足建立十
三者授記平等契經中作如是說信心成就非遠非

近非無非有非高非下非本非末非去非來非大非小非三世非非三世非位非地非善非惡非是非非是言語道斷心行處滅是故名爲眞實信心十四者如來藏本識契經中作如是說爾時地藏菩薩摩訶薩卽白佛言世尊云何名爲廣大圓滿功德父母信地品耶佛言十信十信十解十信十行十信十向十信十地十信佛地十信乃至具縛惡種子地及一切二乘皆悉十信無量無邊一切諸法無一一法而非十信以此義故名爲廣大圓滿信地十五者菩薩瓔珞大本業契經中作如是說信相菩薩於十千劫行十戒法決定安立信成就處是名十五異說契經如是諸經以何義故如是差別謂衆生心無量無邊各差別故隨其心品說信行相如是不同應審思擇今此文中之依本業解釋而已如本逕一萬劫信心成就故故言顯示發心因緣門者謂已信心成就行者爲欲發起第一住心當待緣力而發起故於此文中自有三種云何爲三一者勸請因緣二者救度因緣三者護法因緣是名爲三言勸請因緣者所謂無量

無邊一切諸佛及大菩薩衆出現種種勝妙教法契經之海信位行者勸請教化超不定地決定安立不動域故如本諸佛菩薩教令發心故言救度因緣者所謂緣無量無邊種種衆生之一切苦海以之爲因發起金剛不退廣大清淨大慈悲心故如本或以大悲故能自發心故言護法因緣者所謂諸佛法欲破滅時以種種方便隨宜隨應隨當隨時隨處不惜身命救護佛法大因緣之力故自能發起金剛不退廣大清淨大久住心故如本或因正法欲滅以護法因緣能自發心故言顯示得益位勝門者所謂信成就得解行者具足十名無退失故云何爲十一者名爲無憂惱人遠離退還墮於凡夫縛煩惱地而畏心故二者名爲大富貴人獨除煩惱之荒穢收藏涅槃之菓故三者名爲種性高勝人遠離凡夫之下劣種子入如來尊高種性中故四者名爲手足具人執般若炬遊行法界廣大庭故五者名爲作大江水人無尋直流入薩婆若之大海中故六者名爲富貴建立人已超不定決定安住如來家中故七者名爲眞貴

佛子人遠離凡胎已入聖胎故八者名爲大福田人出離煩惱獨清淨故九者名爲徒衆無量人法界衆生皆悉以爲自眷屬故十者名爲無障得人隨心轉故是名爲十如本如是信心成就得發心者入正定聚畢竟不退名住如來種中正因相應故已說隨問次第答釋門次說舉劣顯勝生解門就此門中卽有二門云何爲二一者舉劣顯劣形相門二者舉勝顯勝形相門是名爲二言舉劣顯劣形相門者所謂善根微薄煩惱深厚凡夫衆生雖值摩訶衍之因緣而起小善根種子故如本若有衆生善根微少久遠已來煩惱深厚雖值於佛亦得供養然起人天種子或起二乘種子故言舉勝顯勝形相門者所謂若有衆生求摩訶衍之甚深微妙法門其心卽便不能決定值順因緣悅忽若進遇逆因緣自然若退無定心故如本設有求大乘者根則不定若進若退故若不能定云何名爲勝高人耶雖不能定而所望法極勝高故復決妄起天人二乘之種子故自此已下顯示信心成就無定時解釋十四經之大意焉所謂若有衆

生供養諸佛信心成就其時不定或極極速或極極近或中間故所以者何隨緣有無信熟生故如本或有供養諸佛未遇一萬劫於中遇緣亦有發心故自此已下造作別釋顯示發心因緣之相於此文中卽有四種發心因緣云何爲四一者見佛因緣因見如來妙色之身而能發起廣大心故如本所謂見佛色相而發其心故二者供僧因緣以種種具供養衆僧因此因緣而能發起廣大心故如本或因供養衆僧而發其心故三者慚愧因緣見聞二乘之人教法慚愧其劣因此因緣而能發起廣大心故如本或因二乘之人教令發心故四者隨衆因緣隨他衆心因此因緣而能發起廣大心故如本或學他發心故是名爲四自此已下作其因緣顯示十種信心不定聚形相及總結前所說之十信決釋分焉以何義故十種信品立不定稱所謂若值順當因緣隨向善趣若遇逆違因緣應趣惡道譬如輕毛隨風所吹東西轉故如本如是等發心悉皆不定遇惡因緣或便退失墮二乘地故已說第一重二種門次說第二重二種門

言復次信成就發心者發何等心者即是發起開開
 總標門謂發開問總問所為故略說有三種者即是
 總標總答焉歟云何為三者即是總舉總問焉歟自
 此已下直明顯示答釋廣說門就此門中即有三種
 云何為三一者正智方便門二者福德具足門三者
 安樂成就門是名為三於此三中初通二利中唯自
 利後唯利他復次初二唯自利分後一利他復次三
 皆通二故皆悉各各具足標釋應審思擇言正智方
 便門者直心為正體智有作方便故如本一者直心
 正念真如法故故言福德具足門者深心為一切功
 德有住方便故如本二者深心樂集一切諸善行故
 故言安樂成就門者悲心能善救度一切眾生無量
 苦惱令得安穩廣大樂故如本三者大悲心欲拔一
 切眾生苦故故已說第二重二種門次說發起問答
 決疑門就此門中即有二門云何為二一者前後相
 違難問門二者開通會釋消難門是名為二言前後
 相違難問門者謂舉上下之二文相違難其差別相
 故云何相違謂上文作如是說所言覺義者謂心

有問思下
 上說本問下
 相說法界一
 須知不唯二
 二學如復念
 十諸善行故

體離念相離念相者等虛空界無所不遍法界一相
 即是如來平等法身依此法身說名本覺於下文
 作如是說二者深心樂集一切諸善行故上下二文
 如是相違是故發問難其異相應審思擇已說前後
 相違難問門次說開通會釋消難門就此門中即有
 七門云何為七一者正答決斷彼難門二者修善行
 者得益門三者修行善巧方便門四者顯示發心功
 德門五者簡擇上下顯異門六者通契經文決疑門
 七者讚歎發心功德門是名為七就初門中即有三
 門云何為三一者開示譬喻善巧門二者合說契當
 安立門三者顯示法說生解門是名為三就譬喻門
 中即有四種云何為四一者寶喻二者性淨喻三者
 垢染喻四者人眾喻是名為四言寶喻者謂即大摩
 尼珠之寶如是珠寶當有何處如是珠寶當有黃石
 如是珠寶其色如何謂深黃色其身形相當如何那
 謂如方坐無長短故大小之相其量云何謂一丈故
 如是珠寶諸黃石中皆悉具足無有黃石而無摩尼
 其止住相次第如何謂第一珠第二黃金第三石體

此摩尼珠一丈量者彼諸黃石或有極小或有極大
各各差別豈可得言皆遍一切此摩尼珠有殊勝力
雖一丈量過於大中小中無餘無所障碍亦可得說
遍一切處於彼石中有此寶故其石色黃應審觀察
是名寶喻如本答曰譬如大摩尼寶故言性淨喻者
如是珠寶其體性甚極明白遠離塵累故是名為性
淨喻如本體性明白故言垢染喻者如是珠寶能為
金石等之所障不能出現明白相故是名為垢染喻
如本而有鑽穢之垢故言人眾喻者謂極窮貧極懈
怠故不求寶人并及精進樂求寶人故是名為人眾
喻如本若人雖念寶性不以方便種種磨鍊終無得
淨故已說開示譬喻善巧門次說合說契當安立門
寶喻中言大摩尼珠者當喻何法喻本覺佛性故所
以者何本覺佛性隱藏衆生相續身中似彼珠故言
黃石者當喻何法喻一切衆生相續故所以者何諸
衆生身藏畏佛性似彼石故言色黃者當喻何法喻
彼佛性不變義故所以者何真如佛性堅固不改似
彼金故言如方坐無長短者當喻何法喻真如法平

等無增減故所以者何此真如法一味平等無有差
別似彼坐故言一丈者當喻何法喻真如法具足圓
滿無闕失故所以者何真如法身具足萬德無所闕
失似彼丈故言如是珠寶諸黃石中皆悉具足無有
黃石而無摩尼者當喻何法喻真如性遍諸衆生種
身中無有衆生而無真如本覺性故所以者何此
真如性離不遍過似彼珠故言第一珠第二黃金第
三石體者當喻何法喻俱有次第法漸漸顯現故所
以者何從本覺智流轉建立四相海時如其次第漸
漸顯現似彼三故言此摩尼珠有殊勝力雖一丈量
遍於大中小中無餘者當喻何法喻真如本覺有不
思議業遍蚊龍等小大身中無妨難故所以者何此
真如法其性平等遍凡聖中似彼珠故言於彼石中
有此寶故其石色黃者當喻何法喻諸衆生悉有本
覺有心相故所以者何一切衆生有覺心故有了別
識似彼石故已說寶喻合說契當門次說淨喻合說
契當門言如是珠寶其體性甚極明白遠離塵累者
當喻何法喻性淨本覺清淨明白離垢故已說淨喻

合說契當門次說染喻合說契當門言如是珠寶能爲金石等之所障不能出現明白相者當喻何法喻自性清淨心爲無明之所隱覆不能出現無漏性德故已說染喻合說契當門次說人喻合說契當門言二種人者當喻何法喻求佛法寶極精進人極懈怠人故如本如是衆生故已說合說契當安立門次說顯示法說生解門於此門中如其次第法說合喻生行者解應審思釋文相明故不須別釋如本真如之法體性空淨而有無量煩惱染垢若人雖念真如不以方便種種修習亦無得淨以垢無量無邊遍一切法修一切善行以爲對治故已說正答次斷彼難門次說修善行者得益門謂若有衆生斷一切惡修一切善自然自在得真如珠照達無明之闇夜無所疑畏故如本若人修行一切善法自然歸順真如法故故已說修善行者得益門次說修行善巧方便門就此門中故有四門云何爲四一者一切修行根本門二者制伏惡業不生門三者出生善根增長門四者誓願無邊平等門是名爲四如本略說方便有四種

故就第一門中卽有二門云何爲二一者般若成就無住門二者大悲成就無住門是名爲二言般若成就無住門者所謂觀察一切諸法從本已來不生不滅畢竟寂滅皆無所有不住生死故如本云何爲四一者行根本方便謂觀一切法自性無生離於妄見不住生死故言大悲成就無住門者所謂觀察一切諸法因緣和合故因果不空業報亦有緣無量無邊衆生界之海爲究竟取攝不住涅槃故如本觀一切法因緣和合業果不失起於大悲修諸福德攝化衆生不住涅槃故以隨順法性無住故者卽是示緣及結兩種不住道行修行法門雖無有量而不住道其最根本是故說言行根本方便焉已說一切修行根本門次說制伏惡業不生門此門爲明何義爲欲顯示行者當發起慚愧等清淨心品防止一切無量惡作漸漸損減不令增長故如本二者能止方便謂慚愧悔過能止一切惡不令增長故以隨順法性離諸過故者總結其緣已說制伏惡業不生門次說出生善根增長門此門爲明何義爲欲顯示行者當一切

三寶恭敬供養禮拜讚歎隨喜勸請增長信心消除業障志求無上大菩提故如本三者發起善根增長方便謂勤供養禮拜三寶讚歎隨喜勸請諸佛以愛敬三寶淳厚心故信得增長乃能志求無上之道又因佛法僧力所護故能消業障善根不退故以隨順法性離障礙故者總結其緣已說出生善根增長門次說誓願無邊平等門此門爲明何義爲欲顯示行者當發起十方世界之塵數廣大誓願海修習十方世界之塵數行因海攝取十方世界之塵數衆生海成就十方世界之塵數果滿海一切皆悉無有餘故如本四者大願平等方便所謂發願盡於未來化度一切衆生使無有餘皆令究竟無餘涅槃故以隨順法性無斷絕故者總結其緣自此已下顯示隨順殊勝之相以何義故四門結中皆悉通名隨順法性爲欲顯示法性虛空其體性廣大圓滿無有邊際其相用無尋自在無有始終修彼四門一切行者亦復如是順順如如其阿世耶廣大圓滿無分際故如本法性廣大遍一切衆生平等無二不念彼此究竟安滅

故故已說修行善巧方便門次說顯示發心功德門此文爲明何義爲欲顯示初發心住菩薩起隨順法界性中廣大圓滿心故相似觀智見法性身見法性身故願力自在由願力故緣無量無邊法界之衆生而起大悲心由大悲心極甚深故出現八種安樂化相隨時隨處隨宜隨應順順如如利益安樂故如本菩薩皆是心故則得少分見於法身以見法身故隨其願力能現八種利益衆生所謂從兜率天退入胎住胎出胎出家成道轉法輪入於涅槃故已說顯示發心功德門次說簡擇上下顯異門就此門中卽有二門云何爲二一者簡異地上門二者簡異具縛門是名爲二言簡異地上門者謂發心住菩薩唯名幻化影相身不得名眞如法身菩薩故所以者何此菩薩無始餘業猶未出離隨受生處與微細苦相應不離地上菩薩此相違故如本然是菩薩未名法身以其過去無量世來有漏之業未能決斷隨其所生與微細苦相應故故言簡異具縛門者所謂初發心住菩薩無繫縛俱轉業因相無繫縛受生果報故所以

者何大願方便具足轉故如本亦非業繫以有大願自在力故故已說簡擇上下顯異門次說通契經文決疑門就此門中自有五種各說契經云何爲五一者文殊師利歡喜陀羅尼契經中作如是說爾時文殊師利即白佛言世尊常大衆中唱如是言五十種子心莊嚴果海行因之本一切行者當經此道成等正覺如是五十種子心中幾是退分幾是定分唯願世尊爲我解說於是世尊即告文殊師利菩薩言諦聽諦聽善思念之我今爲汝分別解說善男子十種眞地名爲金剛般若住地前四十心名爲順梨珠隨轉迴向地汝當應如是知應如是觀今此經文爲明何義爲欲顯示大士十地已眞證城名不退分自此已前四十種心未得證智名爲退分故二者本覺大悲自然熏習契經中作如是說復次佛子汝前所問云何名爲節退相者此事殊勝不思議中不思議故愚癡凡夫初發意菩薩等之所不能知爾時大明菩薩至心勸請佛即告大明言善男子言節退相者謂信心發心住淨心地金剛心之此四處皆名爲退分

●同真上著
合使二字

各彼中間皆名爲不退分是故說言節退相焉今此經文爲明何義爲欲顯示佛法大海廣大圓滿無邊際故三者大證得陀羅尼契經中作如是說十種安心決定不退無退失理今此經文爲明何義爲欲顯示十住菩薩發起隨順法界性中廣大善根故決定安住金剛位故四者五明契經中作如是說十種定心非退非進非來非去非出非入圓滿萬德無所闕失是故說言自然住心今此經文爲明何義爲欲顯示十住位中果德已滿更無所進復無所退自然常住無闕事故五者菩薩瓔珞大本業契經中作如是說諸善男子若一劫二劫乃至十劫修行十信得入十住是人爾時從初一住乃至第六住中若修第六般若波羅蜜正觀現在前復值諸佛菩薩知識所護出到第七住常住不退自此七住以前名爲退分今此經文爲明何義爲欲顯示勸策下劣懈怠衆生爲令增長勇猛心故今此論中且據本業而作會通應審觀察如本如修多羅中或說有退墮惡趣者非其實退但爲初學菩薩未入正位而懈怠者恐怖勇猛

故故已說通契經文決疑門次說讚歎發心功德門
此門爲明何義爲欲顯示發心菩薩遠離二怖畏其
心決定不動故云何名爲二種怖畏一者下生怖畏
生下劣道極怖畏故二者上生怖畏間殊勝境其心
怯弱極怖畏故離此二怖是故名爲發心功德如本
又是菩薩一發心後遠離怯弱畢竟不畏墮二乘地
若聞無量無邊阿僧祇劫勤苦難行乃得涅槃亦不
怯弱故以信知一切法從本已來自涅槃故者即是
總結二種功德之因緣焉從上已來信成就發心決
擇分已焉自此已下種種諸門文相明故不須重釋

釋摩訶衍論卷第七終

釋摩訶衍論卷第八

龍樹菩薩造

已說解釋分次說修行信心分就此分中則有七門
云何爲七一者能治所治契當門二者信心品類分
剖門三者修行方便善巧門四者廣釋魔事對治門

五者讚歎三昧功德門六者兩輪具闕益損門七者
勸劣向勝不退門是名爲七能治所治契當門者其
相云何本曰

是中依未入正定聚衆生故說修行信心分

論曰是中依未入正定聚衆生者即是所治所謂所
化之境界故說修行信心分者即是能治所謂能
化之教法故所化境界其量云何謂攝二聚之衆生
故云何爲二一者邪定聚二者不定聚是名爲二所
以者何此二衆生皆悉未入正定聚故言契當者其
相云何謂二衆生中各契教說故契相云何謂欲被
邪定聚衆生故說信心門欲被不定聚衆生故說修
行門所以者何進入次第其法爾故謂未信人先起
信故其已信人直修行故復次通利益故 已說能
治所治契當門次說信心品類分剖門

本曰何等信心云何修行略說信心有四種云何爲
四一者信根本所謂樂念眞如法故二者信佛有無
量功德常念親近供養恭敬發起善根願求一切智
故三者信法有大利益常念修行諸波羅蜜故四者

信僧能正修行自利利他常樂親近諸菩薩衆求學如實行故

論曰就此文中則有三門云何爲三一者直問信心品類門二者直問修行品類門三者略答顯示信心門是名爲三言直問信心品類門者所謂總問信心量故如本何等信心故言直問修行品類門者所謂總問修行量故如本云何修行故就第三門中卽有三門云何爲三一者總答門二者總問門三者廣答門言總答門者所謂總答其所說故如本略說信心有四種故言總問門者所謂總問其所說故如本云何爲四故就第三門中故有四種門云何爲四一者信本令心平等門二者信佛欣有功德門三者信法精進修行門四者信僧令心無諍門是名爲四言信本令心平等門者所謂樂信爲自根本眞如理法由無明力種種差別一切諸心皆悉會一令平等故如本一者信根本所謂樂念眞如法故言信佛欣有功德門者所謂樂信無上大覺如來世尊欣求所有無量無邊一切功德故如本二者信佛有無量功德

常念親近供養恭敬發起善根願求一切智故故言信法精進修行門者所謂樂信三世諸佛爲自恩父爲自恩母爲自恩師不能改壞不能生滅虛空金剛不動軌則有不可思議中不可思議殊勝利益常恒轉轉於一切時於一切處修行一切助道品故如本三者信法有大利益常念修行諸波羅蜜故故言信僧令心無諍門者所謂樂信一切無量菩薩僧衆以兩勝行爲自內德若遠若近隨自聞時隨自見時隨自思時往詣僧所至心聽受種種深經種種深論種種深理種種妙事不斷絕故如本四者信僧能正修行自利利他常樂親近諸菩薩衆求學如實行故故已說信心品類分割門次說修行方便善巧門本曰修行有五門能成此信云何爲五一者施門二者戒門三者忍門四者進門五者止觀門云何修行施門若見一切來求索者所有財物隨力施與以自捨慳貪令彼歡喜若見厄難恐怖危逼隨已堪任施與無畏若有衆生來求法者隨已能解方便爲說不應貪求名利恭敬唯念自利利他迴向菩提故云何

修行戒門所謂不殺不盜不淫不兩舌不惡口不妄言不綺語遠離貪嫉欺詐誣曲瞋恚邪見若出家者爲折伏煩惱故亦應遠離憒鬧常處寂靜修習少欲知足頭陀等行乃至小罪心生怖畏慚愧改悔不得輕於如來所制禁戒當護護嫌不令衆生妄起過罪故云何修行忍門所謂應忍他人之惱心不懷報亦當忍於利衰毀譽稱譏苦樂等法故云何修進門所謂於諸善事心不懈退立志堅強遠離怯弱當念過去久遠已來虛受一切身心大苦無有利益是故應勤修諸功德自利利他速離衆苦復次若人雖修行信心以從先世已來多有重罪惡業障故爲魔邪諸鬼之所惱亂或爲世間事務種種牽纏或爲病苦所惱有如是等衆多障是故應當勇猛精勤晝夜六時禮拜諸佛誠心懺悔勸請隨喜迴向菩提常不休廢得免諸障善根增長故云何修行止觀門所言止者謂止一切境界相隨順奢摩他觀義故所言觀者謂分別因緣生滅相隨順毗跋舍那觀義故云何隨順以此二義漸漸修習不相捨離變現前故若修

止者住於靜處端坐正意不依氣息不依形色不依於空不依地水火風乃至不依見聞覺知一切諸想隨念皆除亦遣除想以一切法本來無想念念不生念念不滅亦不得隨心外念境界後以心除心心若馳散即當攝束住於正念是正念者當知唯心無外境界即復此心亦無自相念念不可得若從坐起去來進止所作於一切時常念方便隨順觀察久習淳熟其心得住以心住故漸漸猛利隨順得入真如三昧深伏煩惱信心增長速成不退唯除疑惑不信誹謗重罪業障我慢懈怠如是等人所不能入復次依是三昧故則知法界一相謂一切諸佛法身與衆生身平等無二則名一行三昧當知真如是三昧根本若人修行漸漸能生無量三昧論曰就此文中即有五門云何爲五一者總標答前所問門二者通達總問所說門三者略答建立門數門四者略問廣答散說門五者讚歎三昧殊勝門是名爲五言總標答前所問門者所謂總答彼前問故如本修行有五門能成此信故言通達總問所說門